



UNIVERSITÄTS-
BIBLIOTHEK
PADERBORN

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Caput VIII. Ad amorem Jesu Christi cucifixi parænetica invitatio.

[urn:nbn:de:hbz:466:1-47123](#)

nestras, prospiciens per cancellos; hoc est, per vulnerum perturas & sulcos verberum, quibus jam fenestrata apparet, & velut cancellatim dissecta, sacratissima ejus humanitas. Ista enim sunt dulces transennæ, ista arcana reticula, per quæ quodammodo ex occulto prospiciens amor tuus, o bone Jesus, satis tamen eminens ac se prodens amabilibus insidijs, furtivis blanditijs corda nostra prædatur. O felices plagas! amabilia retia! quibus utinam sic capiatur & irritiatur cor meum, ut jam inde sese extricare nequeat, incitatâ libidine perniciose libertatis.

Ecce jam à terra exaltatus es, Domine Jesus; jam in summo sphæræ tuæ vertice, in fervore diei, in amoris meridie constitutus. Trahe me ad te ipsum, ex verbo tuo; & inter tot corda te amantium, quæ de trophæo crucis tuæ religata dependent, cor istud misellum, de luto sublatum, & à terra avulsum, tuis deniq; militaturū amoribus, tuis ignibus arsurum, suspende. Ut enim piè ac dulciter quidamator tuus: si ejusmodi cor haberem, ut majus esset quam omnia corda filiorum hominum, atq; in se uno Angelorum omnium amores ardorésq; complecteretur; illud tibi integrè tribuere deberem; essetq; munus exile & quasi nihilom, præ dignitatis ac bonitatis tuæ magnitudine: quanto magis P.z. stim.c.3. ergo illam parvam scintillam cordis quam habeo, tibi dabo, & totaliter in te ponam? Ita Seraphicus Bonaventura.

C A P U T VIII.

Ad amorem JESU Christi crucifixi parænetica invitatio.

IStis porrò in universum de Jesus crucifixi amabilitate propositis, descendendum nobis est ad particularia ejus amoris exercitia: quod quidem deinceps facturi sumus, si tamen

tamen prius in hoc capite, ad animos nostros ad id officij efficacius invitandos, nostram in hoc ipsum obligationem paucis exposuerimus, & quasi artis Crucifixum amandi generale preceptum tradiderimus.

Recte etenim Cornelius noster: *Crux, inquit, est Academia divinae bonitatis, & amoris purissimi æquè ac immensi: In Proþ. c. 1. ut in ea Christum contemplans, cogaris ex stupore exclamare: ô bonitas! ô amor! quantum me amasti! quam caro pretio me redemisti! quanta bona tuis malis mihi contulisti!* Recte, inquam, ille. Nam, si expertis credendum est, quæ brevi methodo & efficaci artem DEUM amandi doceat, profectò nulla est Crucifixi scholà præstantior.

Adeste igitur quotquot Christum amatis, & qui non amatis, adeste tamen, ut ametis. Si adhuc nescitis, quid sit amare: en magna divini amoris schola in Calvariæ monte aperta est, JESUS crucifixus. Intrate tantum in cor ejus, quod eam ob rem apertum est; & ibi palpate amorem ejus, gustate suavitates ejus. Reddite tandem amorem amori: nam si amare non delectat, tot alijs titulis dignum amari; pudor sit saltē non redamare sic amantem. *Illum ergo amamus, quem amare debitum est.* Et si non habemus, quod illi *infra.* de nostro reddamus; de ipsius corde amantissimo sumamus licet, quod ei denique refundamus.

Aptè in hunc locum Sancti Præsules Paulinus atq; Ambrosius, eodémq; non tantum sensu, sed ijsdem propemodum verbis: *Quid ergo illi pro malis meis quæ pertulit, quid Paulin. Ep. pro bonis suis que contulit, referam? quid pro suscepta carnis 1. ad Seb. injuria, quid pro alapis, pro opprobrijs? quid pro flagellis, Ambr: l. 6. in Luc. c. 7. cruce, obitu, sepulturâ? Esto reddamus crucem pro cruce, funeris pro funere: nunquid poterimus reddere, quod ex ipso & per ipsum, & in ipso habemus omnia. Reddamus ergo amorem pro debito, charitatem pro munere, gratiam pro sanguinis pretio. Væ enim nobis, si non dilexerimus. Sic illi.*

Verum

Verum nos deniq; non verbis modò, sed etiam exemplo, inflameret Seraphicus Bonaventura: qui in tanti mysterij contemplatione amore æstuans, tamen velut frigidè amare se credens, in omnes sese versat affectus, & in has deum suspiraciones erumpit ad Amorem suum Crucifixum:

P.z. stim.c.2. O amor & desiderium cordis! ô dulcedo & suavitas mentis! ô ardor & inflammatio peccoris! ô lux & claritas oculorum! ô aurium pulchra Symphonia! ô hostia DEO Patri odorifera! ô mellis sua gustatio fluxus sanguinis! ô amantissima palpato lateris! ô anima mea, ô vita mea, ô viscera cordis mei, ô medulla ossium, vegetatio carnium, sensificatio organorum, intellectus inspiratio, & exultatio mea! Cur ego non sum conversus tota in amorem tuum? Quare aliquid est in me, nisi amor? Quomodo possum aliud cogitare vel meditari? Et quid amore tuo dulcior? quid amplius cupio? cur ergo non sum illo illaqueatus & captus? Undig me circumdat amor tuus, & nescio quid sit amor. Hæc & plura S. Bonaventura: vulneratus utique & affectus intimis sensibus, ac velut ebrius ac diffluens tamquam in DEO Iesu suo crucifixo experiebatur suavitatem.

C A P V T I X.

Contemplatio JESU Christi crucifixi, ad ejus amorem in nobis excitandum.

§. I.

Ejus exercitij ex SS. Patribus commendatio.

QVanquam ex ijs, quæ hac parte partim prædiximus, partim proximè subiuncturi sumus, sibi quisque facile conformare possit rationem aliquam, aut modum, hujus utilis nec minus dulcis exercitij; ipsaque experientia compertum sit, Salvatoris de cruce pendentes attentioni contemplatione, vulnerasi solere piorum corda, illangij